

MINISTERIO DE AGRICULTURA, PESCA E ALIMENTACIÓN

21533 REAL DECRETO 1512/2005, do 22 de decembro, polo que se modifica o Real decreto 1201/1999, do 9 de xullo, polo que se establece o programa nacional de erradicación e control do lume bacteriano das rosáceas. («BOE» 312, do 30-12-2005.)

Coa aprobación do Real decreto 1201/1999, do 9 de xullo, polo que se establece o programa nacional de erradicación e control do lume bacteriano das rosáceas, harmonizáronse e coordináronse as medidas oficiais aplicables ante a aparición de casos de lume bacteriano.

A vixencia deste programa foi prorrogada na disposición transitoria terceira da Lei 43/2002, do 20 de novembro, de sanidade vexetal.

Non obstante, debido ás modificacións producidas na normativa comunitaria, especialmente as determinadas, naquilo que respecta ás especies sensibles ao lume bacteriano, pola Directiva 2003/116/CE da Comisión, do 4 de decembro de 2003, pola que se modifican os anexos II, III, IV e V da Directiva 2000/29/CE, do Consello, naquilo que se refire ao organismo nocivo «*Erwinia amylovora*» (Burr.) Winsl. et al., e na acta de adhesión á Unión Europea de 10 novos Estados de 2003; así como ante os avances no coñecemento da epidemioloxía e control do devandito organismo nocivo e a experiencia adquirida durante os cinco anos de aplicación do programa, é necesario modificar o disposto no Real decreto 1201/1999, do 9 de xullo, co fin de optimizar as actuacións oficiais de erradicación e control do lume bacteriano e adecualas ao marco legal vixente na Unión Europea.

A Directiva 2003/116/CE da Comisión, do 4 de decembro de 2003, foi incorporada ao ordenamento xurídico español, nos aspectos relativos ao tránsito de vexetais e produtos vexetais, mediante a Orde APA/400/2004, do 18 de febreiro, pola que se modifican determinados anexos do Real decreto 2071/1993, do 26 de novembro, relativo ás medidas de introdución e difusión no territorio nacional e da Comunidade Económica Europea de organismos nocivos para os vexetais e produtos vexetais, así como para a exportación e tránsito cara a países terceiros, cuxas disposicións se encontran actualmente incluídas no Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros, que substitúe e derroga o anterior.

Ademais, actualízase a referencia feita a determinadas normas derogadas pola correspondente ás normas vixentes, en cada caso, especialmente no relativo á declaración de utilidade pública das medidas de loita contra a praga, xa prevista no Real decreto 1201/1999, que se adapta agora ao marco lexislativo previsto na Lei 43/2002, do 20 de novembro.

Na elaboración deste real decreto foi emitido o preceptivo informe do Comité fitosanitario nacional e foron consultadas as comunidades autónomas e as entidades representativas dos sectores afectados.

Na súa virtude, por proposta da ministra de Agricultura, Pesca e Alimentación, de acordo co Consello de Estado e logo da deliberación do Consello de Ministros na súa reunión do día 16 de decembro de 2005,

DISPONGO:

Artigo único. *Modificación do Real decreto 1201/1999, do 9 de xullo, polo que se establece o programa nacional de erradicación e control do lume bacteriano das rosáceas.*

O Real decreto 1201/1999, do 9 de xullo, polo que se establece o programa nacional de erradicación e control do lume bacteriano das rosáceas, queda modificado como segue:

Un. O punto 2 do artigo 1 queda redactado da seguinte forma:

«2. Decláranse de utilidade pública as medidas adoptadas nel, de acordo co establecido na Lei 43/2002, do 20 de novembro, de sanidade vexetal.»

Dous. O punto 1 do artigo 4 queda redactado da seguinte forma:

«1. De acordo co previsto na Orde do 31 de xaneiro de 1994 pola que se establecen as modalidades dos estudos que se realizarán no marco do recoñecemento pola Unión Europea das zonas protexidas en España, expostas a riscos fitosanitarios específicos, as comunidades autónomas efectuarán nos seus respectivos ámbitos territoriais prospeccións sistemáticas encamiñadas a descubrir a presenza da bacteria sobre as especies de rosáceas, cultivadas ou espontáneas, dos xéneros hospedeiros do lume bacteriano, seguintes, no sucesivo especies, plantas ou vexetais hospedeiros: «*Ame-lanchier*» Med., «*Chaenomeles*» Lindl., «*Cotoneaster*» Ehrh., «*Crataegus*» L., «*Cydonia*» Mill., «*Eriobotrya*» Lindl., «*Malus*» Mill., «*Mespilus*» L., «*Photinia davidiana*» (Dcne.) Cardot, «*Pyracantha*» Roem., «*Pyrus*» L. e «*Sorbus*» L., con particular atención aos viveiros.»

Tres. A alínea a) do punto 1 do artigo 5 quedará redactada da seguinte forma:

«a) Declarará contaminada a parcela ou o lugar en que recolleu a mostra e procederá a ordenar a arrinca e destrución inmediata de toda planta visiblemente afectada e todas as plantas hospedeiras sen síntomas do seu contorno inmediato.»

Catro. A alínea a) do punto 2 do artigo 6 quedará redactada da seguinte forma:

«a) Arrinca e destrución inmediata «in situ» e baixo control oficial de toda planta hospedeira con síntomas, sen necesidade dunha análise bacteriolóxica que o confirme, e de todas as plantas hospedeiras sen síntomas do seu contorno inmediato. Este feito dará lugar ao establecemento de novas zonas de seguridade.»

Cinco. A alínea d) do punto 2 do artigo 6 queda redactada da seguinte forma:

«d) Co fin de minimizar o risco de dispersión da enfermidade, as comunidades autónomas deberán regular os movementos de entrada e saída das colmeas de abellas nun círculo de tres quilómetros de raio desde o foco.»

Seis. Suprímese a alínea e) do punto 2 do artigo 6.

Sete. Suprímese o punto 3 do artigo 7.

Oito. O artigo 8 queda redactado da seguinte forma:

«Artigo 8. *Requisitos para a circulación do material vexetal hospedeiro.*

Os requisitos especiais para a introdución e desprazamento de vexetais e produtos vexetais hospe-

deiros de «*Erwinia amylovora*» en e pola zona protexida contra o devandito organismo nocivo son os establecidos no anexo IV (B) 21 do Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros, e segundo o anexo V (A) II. 1.3 deste é preceptivo o pasaporte fitosanitario de acompañamento –modalidade zona protexida– tanto para o material orixinario da zona protexida como para o introducido desde unha zona non protexida. Así mesmo, as colmeas deberán cumprir os requisitos dispostos no anexo IV (B) 21.3 do citado real decreto.»

Nove. Suprímese o artigo 12.

Dez. O anexo II queda redactado da seguinte forma:

«ANEXO II

Relación de importes unitarios máximos das indemnizacións

Plantacións novas: 7.820,97 euros/hectárea.

Plantacións en plena produción:

- Plantación intensiva: 17.419,44 euros/hectárea.
- Plantación normal: 13.508,95 euros/hectárea.
- Árbore illada: 19,20 euros/unidade.

Árbores e arbustos ornamentais illados: 19,20 euros/unidade.

Ornamentais: calquera especie intensiva, 1,42 euros/unidade.

Viveiros: 50 por cento do valor comercial.»

Once. Suprímese o anexo III.

Disposición adicional única. *Actualización das referencias legais do Real decreto 1201/1999, do 9 de xullo, polo que se establece o programa nacional de erradicación e control do lume bacteriano das rosáceas.*

As referencias ao Real decreto 2071/1993, do 26 de novembro, relativo ás medidas de protección contra a introdución e difusión no territorio nacional e da Comunidade Económica Europea de organismos nocivos para os vexetais ou produtos vexetais, así como para a exportación e tránsito cara a países terceiros, entenderanse feitas ao Real decreto 58/2005, do 21 de xaneiro, polo que se adoptan medidas de protección contra a introdución e difusión no territorio nacional e da Comunidade Europea de organismos nocivos para os vexetais ou produtos vexetais, así como para a exportación e tránsito cara a países terceiros.

Así mesmo, as correspondentes referencias á Directiva 77/93/CEE do Consello, do 21 de decembro de 1976, relativa ás medidas de protección contra a introdución na Comunidade de organismos nocivos para os vexetais ou produtos vexetais e contra a súa propagación no interior da Comunidade e á Directiva 92/76/CEE da Comisión, do 6 de outubro, pola que se recoñecen zonas protexidas na Comunidade expostas a riscos fitosanitarios específicos entenderanse feitas á Directiva 2000/29/CE do Consello, do 8 de maio de 2000, relativa ás medidas de protección contra a introdución na Comunidade de organismos nocivos para os vexetais ou produtos vexetais e contra a súa propagación na Comunidade, e á Directiva 2001/32/CE da Comisión, do 8 de maio de 2001, pola que se recoñecen determinadas zonas protexidas na Comunidade expostas a riscos fitosanitarios específicos e se derroga a Directiva 92/76/CEE, respectivamente.

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no Boletín Oficial del Estado.

Dado en Madrid o 22 de decembro de 2005.

JUAN CARLOS R.

A ministra de Agricultura, Pesca
e Alimentación,
ELENA ESPINOSA MANGANA

XEFATURA DO ESTADO

21600 *REAL DECRETO LEI 16/2005, do 30 de decembro, polo que se modifica o réxime transitorio de adaptación das comisións de control dos plans de pensións de emprego e se regula a adaptación de determinados compromisos por pensións vinculados á xubilación.* («BOE» 313, do 31-12-2005.)

I

A orixinaria Lei 8/1987, do 8 de xuño, de regulación dos plans e fondos de pensións, estableceu o requisito de maioría absoluta de representación dos partícipes nas comisións de control dos plans de pensións do sistema de emprego.

A Lei 24/2001, do 27 de decembro, de medidas fiscais, administrativas e da orde social, que entrou en vigor o 1 de xaneiro de 2002, modificou, entre outros, o artigo 7.3 da Lei 8/1987, do 8 de xuño, establecendo o sistema de representación paritaria do promotor ou promotores (alínea a), con carácter xeral, así como certos requisitos para a adopción de acordos sobre determinadas materias (alíneas b e c), concedendo habilitación para o desenvolvemento regulamentario.

Para os plans de pensións de emprego preexistentes en 1 de xaneiro de 2002, a citada Lei 24/2001, do 27 de decembro, concedeu un prazo de adaptación das comisións de control ao previsto no devandito artigo 7.3 mediante acordo colectivo, transcorrido o cal, de non se ter adoptado o devandito acordo, se aplicará directamente.

Os devanditos preceptos intégranse actualmente no texto refundido da Lei de regulación dos plans e fondos de pensións, aprobado polo Real decreto lexislativo 1/2002, do 29 de novembro (artigo 7.3 e antepenúltimo parágrafo da disposición transitoria segunda).

O artigo 30 do Regulamento de plans e fondos de pensións, aprobado polo Real decreto 304/2004, do 20 de febreiro, desenvolve o artigo 7.3 do texto refundido da lei, habilitando a negociación colectiva para adoptar unha composición distinta da paritaria.

En virtude do Real decreto lei 10/2004, do 23 de decembro, o prazo de adaptación das comisións de control preexistentes estendeuse ata o 31 de decembro de 2005.

En consecuencia, as comisións de control dos plans de emprego formalizados antes do 1 de xaneiro de 2002 deberanse adaptar ao previsto no artigo 7.3 do texto refundido da Lei de regulación dos plans e fondos de pensións mediante acordos expresos de negociación colectiva, de forma que, en caso contrario, a partir do 1 de xaneiro de 2006 será de aplicación directa o devandito artigo, é dicir, o criterio xeral de composición paritaria e réxime de acordos sobre determinadas materias.

Por este real decreto lei modifícase o antepenúltimo parágrafo da disposición transitoria segunda do texto refundido da Lei de regulación dos plans e fondos de